

جَزَائِرِ حَاكِمَتِ

جمعیہ ایتھنی

نومرو ۱۰۰۳ جمادی الاخر ۱۳۱۶ سنہ تشرین اول ۱۳۱۴ سنہ صحیفہ ۱۴۳۶۵

(اشہر فزتہ بہر ہفتہ جمعہ ایتھنی کونلری میقار . سنہ لکی در سعادت ایچونہ مجیدیہ یکرمی فروسہ)
(مسایید القسہ فروشدر . طرہ لہر ایچونہ اودہ بسہ فروسہ یوسہ اجرتی ضم اولنور . بہر)
(نسخہ سی یہ مجیدیہ یکرمی فروسہ اولوہ اوزرہ یوزیارویہ ہریردہ صاتیلور . درج اولنہ مجوہ اعلیٰ نائک)
(ہریرندہ بر مجیدیہ اخذ اولنور . سنہ لکۂ مشتری اولوہ استیلاہر عدلیہ نظارتی دارہ سندہ فائزہ جریبہ)
(محاکم ادارہ سنہ مراجعت ایلہ لیلیر .)

قسم غیر رسمی

محکمہ استیناف حقوق قسمندن ۲۳ مارت
سنہ ۳۰۸ تاریخی اون یدی عددی ایلہ صادر
اولان اعلامک تمیزی نی استدا ایدن صماتیہ دہ
صولی مناستر جادہ سندہ کائن خانہ سندہ ساکن
صولی مناستر کلیسای جمعی ریسی غزاروس
میقائلین افندی وکیلی اومریان خمپار سوم افندی
ایلہ مدعی علیہا روم ایلہ حصارندہ ساکنہ متوفیہ

پہان خانم کریمہ سی فاطمہ زہرا خانک وکیلی
قسطلکی لؤنیدی افندی یوم معیندہ دائرہ کلش
اولدقلرندن ایضاحات شفافیہ لری ایلہ باش
مدعی عمومی معاونلرندن عزتلو سلیم افندی نیک
مطالعہ سی استماع قلندقدن صکرہ تدقیقات تمیزیہ
اجراسنہ ابتدار اولندی

اعلام مذکورک خلاصہ مالی مومی الیہا
فاطمہ زہرا خانک وکیلی قسطلکی لؤنیدی افندی
مؤکلہ سنک والدہ سی متوفیہ خدیجہ پہان خانک

بر قطعه سند منظومه صولی مناسرت سندوغندن
مطلوبی اولان تیوز الی عدد لیرای عثمانیدن
یوز اون لیراسنی مزبوره خدیجه خانم حال
حیاتنده اخذ واستیفا ایدوب متباق بشیوز قرق
لیراسنی قبل الاخذ وفات ایتیش وورائی
مؤکله سیله برادری فریق محمد پاشا حضرتلرینه
مخصر ومذکور بشیوز قرق لیرانک نصفی
مؤکله سنه ونصف دیگر ی پاشای مشار الیه
عائد بولمسنه وپاشای مشار الیه مبلغ مزبور
حصه ارثیه سی اولان ایکوز یتیش لیرای
مؤکله سنه هبه ایتیش ومؤکله سی دخی مال
موهوبدن یوز طقسان لیراسنی مذکور کلیسانک
سندوغندن اخذ ایله متباق سکسان عدد لیرای
قبض ایتکسزین پاشای مشار الیه هبه دن رجوع
ایتمی اوزرینه اولیاده صادر اولان اعلام
شرعی موجبجه مشار الیه حصه ارثیه سی
اولان ایکوز یتیش لیرادن یوز طقسان لیراسنی
مؤکله سی جانبندن قبض ایدلمسندن طولای
پاشای مشار الیه هبه دن رجوع ایده میوب انجق
قبض ایدلیان سکسان لیرای پاشای مشار الیه
مطالبه یه حتی درکار بولمیش اولدیغندن مؤکله سنک
حصه ارثیه سی اولان ایکوز یتیش لیرانک مع
فائض مذکور کلیسادن محصلینی درسعادت بدایت

خپار سوم افندیکنک اشبو حکم علیه دنه کی اعتراضاتنک
خلاصه سی دعوی واقعه هبه دن متولد اولمسیله
رؤیتی اساساً محکمه شرعیه عائد بولندی کی
اعلام ابتدائینک مغایر قانون صورتده صادر
اولدینی عند الاستیناف تعدیلاً تصدیق قلمسیله
اکلاشلش اولدیغندن شو حالد مغایر قانون
صورتده ویریلان اعلامک فسخی لابد ایکن
تعدیلاً تصدیق اکتفا قلمسی ومدعیه نک
مقبوضی اولان مبالغه برادری محمد پاشای عائد
اولوب طرفه هبه ایدیلان مقدار عائد بولندی
بالیان دعوی واقعه یی مشار الیه دخی تشیل
ایتمی اوزرینه محکمه جه مشار الیه حقنده
طوغریدن طوغری به دعوی وقوعبولقسزین
واصولاً دخی جلب ابتدیر لمکسزین مشار الیه
حقنده دخی حکم اعطا قلمسی ومدفوعات واقعه
خانم موسی الیهانک حصه سنه عائد بولندی
بالمداغه درمیان اولمیش ایکن بونک مال موهوبه
متدار بولدیغنه ذهاب اولمسی وذاتاً مال
موهوبدن موسی الیهانک مقبوضاتی اولدینی
جهتله پاشای مشار الیه واقع اولان هبه سندن
رجوع صحیح اوله جنی وعکسنه ملابس اولان
اعلام شرعینک مرجعجه نقض ایدیلهرک کیفیت
مخونه نک شرعاً یکیدن دردست رؤیت بولندی

حقنده کی ادعایک نظر اعتباره الخامسی مغایر
قانون اولدیغندن بختله اعلامک نقضی ومدعی علیها
فاطمه زهرا خانمک وکیلی قسطا کی لؤنیدی
افندیکنک نتیجه جوابی وظیفه حقنده کی اعتراض
نابحل اولدینی کی اعلام مستأنف بهک تعدیلاً
دخی تصدیق قلمش ایدوکی ووکیل خپار سوم
افندیکنک اعتراضاتنک بر قسمی طرفندن وکالتی
اولیان محمد پاشا حضرتلرینه عائد اولمغه استماعی
جائز اوله میه جنی ودرین واقع کلیسیاه اقراض
اولان مبالغدن عبارت اولمسیله بوکا مختلف
جهتلردن دنیه میه جکی حسیله بو جهتلره متفرع
اعتراضات ایله سائر اعتراضاتی نقض حکمی
موجب اولدینی بیانیه اعتراضات واقعه نک ردی
وموافق اصول وقانون اولان اعلامک تصدیق
طلبندن ومعاون موسی الیه سلیم افندیکنک
مطالعه سی دخی حکم ابتدائینک عند الاستیناف
اسباب موجب سنک تعدیله تصدیقه قرار ویرلش
ایسه ده درجه اولی محکمه سی اعلامک قانونه
عدم موافقتی تقدیرنده فسخیله دعوانک رؤیت
وتدقیق و نتیجه حاصله یه کوره حکم استینافینک
صدوری لازمهدن اولدینی حالد حکم ابتدائینک
تعدیلاً تصدیق طرفه کیدلسی موافق قانون
کوریه مدیکی بیانندن عبارت بولمشدر

رجوع اتمك اوزره اول امرده مستدعی مذکور
کلیسا مدیری غزاروس میقالیان افندیدن اخذ
واستیفاسنه ۱۳ کانون ثانی سنه ۳۰۹ تاریخنده
اکثریت آرا ایله قرار ویریلرک تفهیم قلندی .

قونیه تجارت محکمہ سندن ۲۷ مایس سنه
۳۰۷ تاریخی و سکر عددی ایله ویریلان
اعلامک تمیزینی استدعا ایدن قونیه نک کوچی
قریه سنده مقیم حاجی اسماعیل اوغلی حاجی
عیسی اغا وکیلی سلیم حسنی افندی یوم معینده
دائریه کلش ایسه ده مدعی علیه قونیه ده مقیم
تجاردن قو قونیوس اوغلی قسطنی افندی
کلدیکندن یالکر وکیل مومی الیهک ایضاحات
شفاهیسی استماع قلندقدن صکره تدقیقات تمیزییه
اجراسنه ابتدا راولندی

اعلام مذکورک خلاصه مالی مومی الیه
قسطاک افندی از میدده قومیسینچی جوانی
طرفندن کراجی مرقوم حاجی عیسی ایله یکنی
حسین و ترکانلرک بطلان نام کمنه یه اجرت معلومه

ایجابی لای المذاکره تمیز طلب اولنان
اعلام مندرجاتندن اکلاشلدینی اوزره مدار
حکم اتخاذ قلنان اعلام شرعینک مومی الیه
فاطمه زهرا خانمک دایسی فریق محمد پاشایه عائد
بولندینی بیانیله کلیسانک پاشای مشار الیه
طرفندن خصومه صلاحیتی اولدیغنه عندالاستیناف
قرار ویرلش ایسه ده انجق ذکر اولنان اعلام
شرعینک فتواخانه جلیله جه نقض اولنوب
اولندیقنک هنوز تحقیق ایتامسنه نظراً مدار
حکم اتخاذ قلنه میه جفی درکار بولندینی حالده
مجرد اعلام مذکورک پاشای مشار الیه عائدتی
اساس طوطیله رق مبلغ مدعا بیدن طولای مذکور
کلیسا جمعیت اداره سنک پاشای مشار الیه جانبندن
خصومه صلاحیتی اوله میه جفی بولنده عندالاستیناف
قرار ویرلشی مغایر اصول وقانون کورنمش
ومستدعی وکیلنک باشلوجه اعتراضی دخی بوجهته
متدار اوله رق شایان قبول کورنمش اولدیغندن
اصول محاکمه حقوقیه قانوننک ایکوز اوتوز
ایکینچی ماده سی موجبجه اعلام مذکورک تفضیله
قانون مذکورک ایکوز قرق دردنجی ماده سی
حکمنه توفیقاً قسم مذکوره اعاده سنه وزیرده
مفرداتی مرقم ایکوز اون درت بجق غروش
مصارف تمیزییه نک ایلروده حقسنر چیقہ جق طرفه

تودیع اولنان اشیایی محافظه به دقت واعتنا
ایتمدکری کچی اشیای مذکورنک اوراده بولنان
خان دروننه وضعیله تحت امنیت المدینی
اکلاشیلهرق شو صورتله تعدی وتقصیر وقوع
بولش اولدینی تحقیق ایتش اولسنه بناء فاطوره
ومکاتیب مبرزه مندرجاتیله اشیای مذکورنک
قیمتی اولدینی اکلاشیلان للی بر لیرا طقسان
ایکی غروشک مرقومان حسین وحاجی عیساندن
تحصیلنه حکمدن ومستدعی تمیز حاجی عیسی
اغانک اشیو اعلام علیهنده لایحه سنده محرر
اعتراضاتنک باشلوجه سی اشیانک نقلی درعهده
ایدن حسین اولوب کندوسی قونیه ده بولنمش
اولدیغندن بو بایده کندوسنه ضمان لازم کلز
وخصومت توجیه ایتز ایکن بروجه بالا محکومیتنه
قرار ویرلشی مغایر قانون اولدیغندن بختله
اعلامک تقضی استدعاسندن ومدعی علیه قسطنی
افندینک نتیجه جوابی دخی اعتراضات مسرودمنک
ردی وموافق اصول وقانون اولان اعلامک
تصدیق طلبندن عبارت بولنمشدر

ایجابی مذاکره اولندقدہ اعلام مذکور
مألندن اکلاشلدینی اوزره دنکک سرقت اولنشی
یالکر حسینک تکاسلندن ایلرو کلدیکی وبوبایده
حاجی عیسی اغانک مداخلی اولدینی جهتله

مقابلنده تسلیم کندوسنه کوندلرش اولان بر
دنک دروننده موضوع الی اوج بجق عدد لیرای
عثمانی قیمتندہ اشیای متنوعه سی مرقومون انشای
راهنده سرقت ایتدیردکری سر رشته سیله
تسلیمندن امتناع ایتدکندن بختله قیمتی اولان الی
اوج بجق لیرانک تحصیل حقنده اقامه ایلدیکی
دعوی اوزرینه خسته اولدینی اخبار اولنان
مرقومندن حسینک دخی مؤخرأ جلیله جریان
ایدن محاکمه ده اشیای مذکورنک نقلی درعهده
وتقبل ایدن حسین اولوب بطلان نام کیسه
انشای راهنده مرقومک رفاقتندہ بولهرق اشیای
مذکورنک محافظه سیله مکلف اولمدینی
اکلاشلش اولمغله انک حقنده ضمان لازم
کلیه جکنه وعیسی دخی هر نقدر قونیه ده ایسه ده
مرقوم حسین انک اجیر خاصی و بناء علیه امین
اولدیغندن ضایع اولان اموالک تضمیننه مشارک
اوله جغه بناء حسین ایله عیسانک مسئولیتنه قرار
ویرلدکن صکره اهل وقوفندن اولنان تحقیقات
نتیجه سنده کرچه محل سرقتده دوملرک بارینه
بیله جکری بر محل اولدینی اکلاشلش ایسه ده
سرقنک وقوع بولدینی کیجه مرقوم حسینک
نزول ایدن باراندن طولای کیجه نک زیاده ظلمتی
جهتله تیقظ واتباه اوزره بولهرق کندولرینه

مومی اليك ايضاحات شفاهيه سى استماع قلندرق
تدقيقات تميزيه اجرا سنده ابتدار اولندى

اعلام مذكورك خلاصه مالى مرقوم
يازيچيان استپان مالك اولدينى يوز قرق رأس
صغير حيواناتى صاتمق اوزره اللى مجيده اجرت
قطعيه مرقوم غرغوره تسليم ايدوب اول دخى
حيوانات مذكوره دن بهرى يديشر بحق مجيدى
قيائله اوتوز رأسى ايكوز يكرسى بش مجيده
ثمله قصاب قوقولى يه صاتمق اولدينى حالده مبلغ
مذكورى ويرمديكى كى متباقى حيوانات اتمانندن
اجرتى اولان اللى مجيده نك اوست طرفنى دخى
ايضا ايتامكده اولديغندن بختله مبلغ مذكورك
تحصيلنى طلب ودعوى ايتسنه قارشو مدعى عليه
غرغور دخى كندوسى اللى مجيده اجرت
مقابلنده مذكور حيواناتى صاتمق ايجون مدعى
ايله مقاوله ايدوب اوتوز رأس ايتكى قصاب
قوقولى ايله يديشر بحق مجيده بازارلى ايدرك
قط ايتكلرى كندوسى اصلا كور مامش وقصاب
مرقومه تسليم ايتيوب مدعينك بالذات تسليم
ايتمش اولديغنى ومدعى مرقوم بوندن اقدام از مير
محكمه سنده مشتري مرقوم عليه اقامه دعوى
ايدرك بالحاكه اثبات مدعا ايدمديكندن مشتري

مسؤولتى لازم كلز ايكن مرقومك دخى محكوميتنه
قرار ويرلسى مغاير قانون اولديغندن اصول
محاكمه حقوقيه قانونك ايكوز اوتوز ايكيجى
ماده سى موجبجه اعلام مذكورك حاجى عيسى
اغا حقنده كى حكمنك نقضيله كيفيتك بوجه بالا
بالرؤيه اعلامه ربطى ضمننده محكمه مذكوره يه
اعاده سنه وزيرده مفرداتى مرقم اوچيوز اللى
يدى بحق غرورش مصارف تميزيه نك ايلروده
حقسنر چيغه جق طرفه رجوع اوزره ايتك
اول امرده مستدعى حاجى عيسى اغادن التمسنه
۹ تموز سنه ۳۱۰ تاريخنده متفقاً قرار ويريله رك
تفهم قلندى .

يوزغاد بدايت محكمه سندن ۱۱ تموز سنه
۳۰۷ تاريخى واللى عددى ايله ويريلان اعلامك
تميزينى استدعا ايدن درسعادته راسم پاشا
خاننده عرمل افدينك او طه سنده مقيم تجارندن
استپان يازيجى وكيلى عرمل افدى يوم معينده
ورود ايدرك مدعى عليه يوزغادده ساكن
دولكر اوغلى غرغور كمد يكندن وكيلى

مرقومك اجرا قلنان تحليف موجبجه دعوانك
ردينه قرار ويرلديكى جهتله كندوسندن دعوايه
صلاحيتى اوليه جغنى بيان وانبا واز مير بدايت
محكمه سنى برقطعه اعلامنى ابراز واعطا ايتسى

اوزرينه اولبايده اجرا قلنان محاكمه وتدقيقات
نتيجه سنده مدعى مرقوم اشيائك مدعى عليه ممدن
دعوى ايلديكى مبالغى از مير محكمه سنده مرقوم
قصاب قوقولىدن ادعا ايدرك بالحاكه حق
اولديغنه حكم اولندينى ميرز اعلام مألندن
اگلاشلمش وحق واحدك ايتكى كشيدن ادعا
اولنه ميه جنى مجله نك يك التيوز اللى برنجى
ماده سنده محرر بولنش اولديغندن ماده مذكور
حكمنه توفيقاً مرقوم استپانك دعواى واقعه سنى
ردينه حكمدن واشبو حكم عليهنده مستدعى
وكيلى عرمل افدينك اعتراضاتك باشلوجه سى
دعوى اولنان مبلغ حق واحدك ايتكى كشيدن
دعوى قيلندن اوليوب ايكيسندن هانكيكسنىك
ذمتنده اولديغنى تحقيق وحكم ايتديرمك
صورتنده متحدث بولنش ايكن محكمه مذكوره جه
دعواى مذكوره نك حق واحدك ايتكى كشيدن
طلب صورتنده تلقى اولنسى مغاير قانون
اولديغندن بختله اعلام مذكورك قضى استدعاسندن
ومدعى عليك لايحه سنده محرر نتيجه جوابى دخى

اعتراضات مذكوره نك واهى وبى اساس اولدينى
بيانيله ردى واعلام مذكورك تصديق طلبندن
عبارت بولنشدر
ايجابى لى المذاكره اعلام مذكور مألندن
اگلاشليدى اوزره مدعينك دعواسى مدعى عليه
غرغورك بالوكاله واجرت مقابل اوله رق صاتمق
اولدينى حيوانلرك اثماتى مشتري قصاب قوقولىدن
طلب ايدوب مشتري مرقومك كندوسندن
طوغريدن طوغرى يه مال المديغنى بيان ومدافعه
ايتسى اوزرينه وكيلى مرقومك بالوكاله بيع
ايتديكى حيوانلرك اچسنى مشتري يه قارشو
دعوى وحكم ايتديرمش اولدينى حالده مبلغ
محكوم بهى وكيلى مرقومدن طلب وادعا ايتسى
برحق ايتكى كشيدن دعوى ايتك صورتى مشتمل
اولدينى حالده محكمه مذكوره جه سالف الذكر
ماده قانونيه يه ياكلش معنى ويريله رك مدعينك
رد ادعاسنه حكم اولنسى يولسنر واصل وقانونه
مغاير اولديغندن اصول محاكمه حقوقيه قانونك
ايكوز اوتوز ايكيجى ماده سى موجبجه اعلام مذكورك
نقضيله قانون مزبورك ايكوز قرق درديجى
حكمنه توفيقاً اعلامه ربطى ضمننده محكمه
مذكوره يه اعاده سنه وزيرده مفرداتى مرقم
اوچيوز التمش طقوز بحق غرورش مصارف

تمیزیه نك ایلروده حقسنر چیه حق طرفه رجوع
ایتمك اوزره اول امرده مستدعی تمیزدن النسنه
۲۵ تشرین اول سنه ۳۱۰ تاریخنده متفقاً قرار
ویریله رك مومی الیه تفهیم قلندی .

توقاد بدایت محکمه سندن ۱۴ کانون ثانی
سنه ۳۰۷ تاریخ و یوز یکر می اوچ عددی ایله
استینافاً صادر اولان اعلامك تمیزی استعدا
ایدن اربعه قضاسی داخلنده اورکوب چفتلکی
نام محله مقيم زراعدن قلايچی اوغلری واسیل
واسپرو وهاچی ایلیا وکوسه اوغلری دیمتری
وپاولی ایله مدعی علیها قضاء مذکوره تابع
قره اغاج قریه سی اهالیسندن حسنی اوغلی مصطفی
ومخدومی عبدالرحمن اغالر یوم معینده دأره یه
کلدکلرندن اصول محاکمه حقوقیه قانونك ایکوز
یکرمی طقوزنجی ماده سی موجبجه تدقیقات تمیزیه
اجرا سنه ابتدار اولندی

اعلام مذکورك خلاصه مآلی مزبوران
مصطفی وعبدالرحمن اغالر اورکوب نامیه معروف

شراء متصرف اولدقلری بر قطعه چفتلکك
کرازبکار نام موقعده کائن اراضیلرنده مستأجر
بولان مرقوم واسیل ورققاسنك اراضی
مذکورده دن منع مداخله لریله برابر بدل ایجاردن
ذمتلرنده متراکم طقسان سکر اولچك ذخأرك
تحصیلانی طلب وادعا واثانی محاکمه اراضی
مذکوریه ملکیت وجهله متصرف اولدقلری
بیان وانبایتمش ایسه ده دعوی واقعه ده
تناقض وقوعنه مبنی مومی الیه مانك دعوی
واقعه لرینك ردینه دائر اربعه بدایت محکمه سندن
صادر اولان اعلام علیهنده مومی الیه مان جانبندن
محکمه مذکوریه بالمراجعه استیناف دعواسی
اقامه ایدلسی ولوجل الحاکمه تعیین اولنان کونده
مستأنف علیهمدن مرقوم واسیل اجابت ایدوب
دیگرلری کلاملری اوزرینه غیابلرنده وکیل
مسخر تعیینیه جریان ایدن محاکات وتدقیقات
نتیجه سننده اراضی مذکوره مزبوران مصطفی
وعبدالرحمن اغالر ك عهده تصرفنده بولندی
مبرز حجت وسند مآلی وسکر نفر شهودك تواتراً
وقوعبولان شهادت لریله نابت اولنسنه مبنی منازع فی
اراضیدن مرقومونك منع مداخله لرینه حکمدن
ومستدعی تمیزلرك اشبو اعلام علیهنده لایحه لرنده
محرر باشلوجه اعتراضلری منازع فی محللر

بویولده اجرای معامله اولنماسی مغایر قانون
اولدیغندن اصول محاکمه حقوقیه قانونك ایکوز
قرق برنجی ماده سی موجبجه اعلام مذکورك
نقضیه قانون مزبورك ایکوز قرق دردیجی
ماده سنه توفیقاً کیفیتك اعلامه ربطی ضمننده
محکمه مذکوریه اعاده سنه وزیرده مفرداتی مرقم
بشیوز الی طقوز بچق غروش مصارف
تمیزیه نك ایلروده حقسنر چیه حق طرفه رجوع
ایتمك اوزره اول امرده مستدعی تمیزلردن
النسنه ۳۱ تشرین اول سنه ۳۱۱ تاریخنده قرار
ویرلدی .

کرید استیناف محکمه سندن ۹ ایلول سنه
۳۱۱ تاریخ و ایکوز طقسان یدی عددی ایله
صادر اولان اعلامك تمیزی استعدا ایدن قندیه
قصبه سی اهالیسندن زکریا زاده سلیم بک وکیلی
الیاس رسام افندی ایله مدعی علیه قصبه مذکوره
اهالیسندن چورباجا کی نوری افندی وکیلی ادیب
افندی یوم معینده دأره یه کلش اولدقلرندن
ایضاحات شفاهی لری استماع ایدلکدن صکره

اراضی حالیه دن اوله رق احیاصورتیه کندولرینك
عهده تصرفنده بولندی حالد محکمه جه
بورالرینك نظر دقته النماسی مغایر قانون
اولدیغندن بجنله اعلامك نقضی استعداسندن
ومدعی علیهمانك نتیجه جوابی دخی حکم واقع
موافق اصول وقانون اولوب مستدعی تمیزلرك
درمیان ایدلکلی اعتراض غیر وارد بولندی
بیانیله اعلامك تصدیقی طلبندن عبارت بولمشدر
ایجابی مذاکره اولدقده اعلام مذکور
مندرجاتندن اکلاشلیدی اوزره منازع فی
اراضی مزبوره عبدالرحمن ومصطفی اغالر ك
عهده لرنده اولدیغنی سکر نفر شهودك شهادتیه
نابت اولدیغندن بجنله شهادت واقعه نك حد
تواتره عدیله حکم اعطا قلنش ایسه ده تواتر
شاهدلری یکرمی بش کشی بی مجاوز اولسی
اتخاذ اولنان اصول مقتضاسندن اولدیغنی جهته
محکمه جه حکم ابتدائینك فسندن صکره مجله نك بیک
التیوز یتش اوچنجی ماده سنه توفیقاً مومی الیه مان
طرفندن ادعا اولنان ایجار خصوصنك معروف
اولوب اولدیغنی تدقیق ایدیلر ك تبیین ایدلک
حاله کوره تصرف حقنده شاهد استماع قلنقی
وحد تواتری نافع اولیان شهودك تزکیه لری اجرا
ایدلک لازم کلور ایکن محکمه مذکوریه جه

اعلام مذکورک نقضی ویا تصدیقی حقنده دائرهجه
تساوی آرا وقوعه مبنی اصول محاکمه حقوقیه
قانونک ایکوز النجی ماده سی موجبجه کیفیتک
هیئت عمومیهجه تدقیقات تمیزیه اجراسنه ابتدار
اولندی

اعلام مذکورک خلاصه مالی مومی الیه
سلیم بکک چورباجاکی نوری بک الیه عقد
ایلدکری صابون شرکتنک میزله معرفتیه
حساباتی رؤیت اولنه رق نتیجه سنده مومی الیه
سلیم بکک یوز اوج بیک یدیوز الی ایکی بحق
غروش الاجفی تبین ایتدیکنه دائر تنظیم اولنان
راپورک موقع اجرایه وضع اولنسنک قانونه
مغایرتی حقنده مومی الیه نوری بکک قندیه
بدایت محکمه سنه مراجعتله درمیان ایلدیکی
ادعاسنک ردینه دائر محکمه مرقومه دن صادر
اولان اعلام حکمنه مومی الیه نوری بکک جانبندن
عدم قناعتله کرید استیناف محکمه سنه بالمراجعه
جریان ایدن محاکمه و تدقیقات نتیجه سنده قرار
ابتداینک عند الاستیناف فسخنه حکم ایلش
ایسه ده تمیزاً سبق ایدن تدقیقات مستأنف نوری
بکک جانبندن مقدما اعطا قلنان استیناف
استدعاسنک مرور مدت جهندن طولانی ردینه

قرار ویرلش اولدینی حالده مؤخرآ دعوی
استینافیه نک قبولیه تدقیقی طرفنه کیدلسنک قانونه
مغایرتندن ناشی اعلام ابتداینک نقضیه اعاده
طلبی اوزرینه بتکرار محکمه استینافیهجه مستأنفک
استیناف استدعا نامه سنک قبولیه برابر اساس
دعوی حقنده اجرا ایدیلان محاکمه و تدقیقانه
مستأنف نوری بکک مسؤولیتی متضمن اولان
راپور حقنده کی اعتراضک ردینه متدائر اولان
درجه اولی محکمه سی اعلامنک کالاول فسخیه
مستأنف مومی الیه نوری بکک بدایه سرد
ایلدیکی اعتراضی شایان قبول کوریلهرک مذکور
راپور حکمک استینافاً فسخنه دائر ویریلان قرار
علینده مومی الیه سلیم بکک طرفندن تمیز دعوی
ایلمسی اوزرینه اولباده اجرا قلنان تدقیقات
تمیزیه ده محکمه استینافیهجه بوخصوص حقنده
مقدما صادر اولان تمیز قراری نظر دفته النهرق
عند الاستیناف اعلام ابتداینک مدت استینافیه نک
مرورندن طولانی تدقیقاتندن صرف نظر ایدلمک
لازم کلورایکن ایلدیکی کی طوغریدن طوغری به
قرار سابقده دخی اصرار اولنمقسنزین حکم
و قرار ویرلسی قانونه مغایر کورلش اولدیغندن
اولباده کی اعلام استینافینک بتکرار نقضیه محکمه
استینافیه اعاده ایدلمسه مبنی بوکره دخی اجرا

قلنان تدقیقات استینافیه نتیجه سنده مستأنف علیه
سلیم بکک قندیه بدایت محکمه سندن استیصال
ایلش اولدینی اعلام علینده مومی الیه نوری بک
طرفندن اعطا قلنان استیناف استدعا نامه سنک قبولیه
بدایت اعلامیه مذکور راپور حکمنک فسخنه
حکمدن و مستدعی تمیز سلیم بک وکیلی الیاس
رسم افندینک اشبو حکم علینده کی اعتراضاتک
باشلوجه سی اعلام ابتداینک مرور مدتدن
طولانی حکمی کسب قطعیت ایتش اولدیغندن
عند الاستیناف اعلام مذکور حقنده اجرای
تدقیقات غیر جائز بولنمش ایکن اعلام مذکورک
تدقیقیله فسخی طرفنه کیدلسی و میزله معرفتیه
رؤیت اولنان محاسبه بی ناطق تنظیم قلنان اخبار
نامه به خصمی طرفندن موافقت کوسترلش ایکن
مؤخرآ خصم مومی الیه مذکور اخبار نامه
حقنده درمیان ایلدیکی اعتراضنک قبول ایدلمسی
و خصوصیه مکرراً صادر اولان مقررات تمیزیه به
امثالاً اجرای معامله اولنمق امور لازمه دن
ایکن مقررات مذکوره به امثال ایدلمسی مغایر
قانون اولدیغندن بحثله اعلامک نقضی استدعاسندن
ومدعی علیه نوری بک وکیلی ادیب افندینک
نتیجه جوابی دخی اعلام ابتداینک قابل استیناف
اولدینی و میزله طرفندن ویریلان راپور

کندولرینک اجرای تدقیقه تخصیص اولنار مدتک
مرورندن صکره ویرلش اولسیه قانوناً غیر معتبر
بولدینی جهته اعتراضات واقعه نک ردی و بو
اساسلره مستند اولان اعلام ابتداینک تصدیقی
طلبندن عبارت بولنمشدر

ایجابی مذاکره اولندقدنه اعلام مذکور
مألندن اکلاشلدینی اوزره مومی الیه سلیم بکک
چورباجاکی نوری بک الیه عقد ایلدکری
صابون شرکتی محاسبه سی حکم معرفتیه بالرؤیه
تبیین ایدن الاجفته دائر اولان حکمنامه نک موقع
اجرایه وضعندن ناشی قندیه بدایت محکمه سنه
قارشو درمیان اولنان اعتراضاتک ردی حقنده کی
اعلامک عند الاستیناف مرور مدت حسیله
ردندن صکره تکرار محاکمه اجرا قلنش
اولسنندن طولانی اعلام مذکور محکمه تمیز
حقوق دائره سنجیه نقض اولدینی حالده بو جهت
نقضیه نظر دفته النهرق اجرای معامله اولنمقسنزین
برمنوال محرر اعطای حکم اولنمندن ناشی دائره
مذکوره جه اعلام مذکورک نقض ویا تصدیقی
حقنده تساوی آرا وقوعه اولدیغندن خصوص
مذکور هیئت عمومیهجه بالتدقیق محکمه استینافیهجه
حقوق دائره سنک قرارینه امثال ایدیلهرک
اویولده اجرای معامله اولنمق یاخود قرار

معینه دأر به کلدکلرندن اصول محاکمه حقوقه قانونک ایکوز یکر می طقوزنجی ماده سی موجبیه تدقیقات تمیزیه اجراسنه ابدار اولندی

اعلام مذکورک خلاصه مالی مومی الیهما محمد ومصطفی اقدیلر اوچوز اون سنه سی اعشار بدلندن طولای مومی الیه علی افندی ذمتده الاجلری اولان بیک ایکوز یتیش بش وعند المحاکمه وباسند مدتی حلول ایتیان بیک غروشکه جمعا ایکی بیک ایکوز یتیش بش غروشک حالا ومقسطاً مع فائض تحصیلنی طلب ودعوی ایتلری وتعیین قلنان کونده مومی الیه علی افندی اجابت ایتامسی اوزرینه غایبده وکیل مسخر تعینیه جریان ایدن محاکمه وتدقیقات نتیجه سنده مدیون مومی الیه انکار دین ایتدیکی تقدیرده اثبات وتخلیفه تعلیقاً مبلغ مداهیدن مدتی حلول ایدن بیک ایکوز یتیش بش غروشک حالا ومدتی حلول ایتیان قصور بیک غروشک سنده محرر بولندیغی اوزره تقسیطاً مدیون علی افندیدن تحصیلنه حکمدن ومستدعی تمیزک اشبو حکم علیهده لایحه سنده محرر باشلوجه اعتراضی منازع فیه سند کندوسنک اولوب اولدیغی حقنده تحقیقات

منقوضده ثبات واصرار ایدنک لازم کلور ایکن بورالندن صرف نظر ایله بشقه یوله قرار اعطاسی مغایر اصول وقانون کورلش اولدیغندن اصول محاکمه حقوقه قانونک ایکوز اوکوز ایکنجی ماده سی موجبیه اعلام مذکورک نقضیه قانون مذکورک ایکوز قرق دردنجی ماده سی حکمنه توفیقاً کیفیتک یکیدن بالرؤیه اعلامه ربطی ضمنتده محکمه مذکوریه اعاده سنه وز یرده مفرداتی مرقم اوچوز اون طقوزنجی غروش مصارف تمیزیه نک ایلروده حقسنر چیه جق طرفه رجوع ایتک اوزره اول امرده مستدعی تمیز سلیم بکدن اخذینه ۲۲ نisan سنه ۳۱۲ تاریخنده هیئت عمومیه جه متفقاً قرار ویریلهرک تعهیم قلندی .

زغفرانبولی بدایت محکمه سندن ۲۳ شباط سنه ۳۱۰ تاریخنی وسکسان درت عددی ایله ویریلان اعلامک تمیزینی استدعا ایدن اولوس ناحیه سنک ایله ایه جیلر قریه سنده ساکن قباد اوغلی علی افندی ایله مدعی علیهما زغفرانبولنک چاوش محله سنده مقیم محمد ومصطفی اقدیلر یوم

اوزره اول امرده مستدعی تمیزدن النسنه ۲۷ مارت سنه ۳۱۳ تاریخنده متفقاً قرار ویرلدی .



اعمالان

قوم قیوده مکتب زقاغنده اون بر نومرولو خانه ده ساکن حزاروس پاپاسیانک چارشوی کبیرده بودروم خانه ده ساکن ایوم محل اقامتلیر مجهول بولنان تجارندن شمشیریان ماردیروس ومارقار اغالر ایله قصبارجیان حاجی قره بت میانه لرنده تحث ایدوب اعلامه ربط اولنان یکر می بش لیرادن طولای تمیز دعوی ایدیله جکی بیانیله مرقومان طرفلرندن کندوسنه امضا ایتدیریلان بر قطعه کفالتنامه اوزرینه اورته کویده طاش نردبانده ارمنی کلیسای زقاغنده یکر می بش نومرولو خانه ده متصرف اولدیغی ربع حصنه سنه وضع حجز ایتدیرلش وحالبوکه مرقومان اخیراً مذکور دعوایی صلحا تسویه ایله قطع منازعه ایتیش اولدقیری حالده موضوع حجز فک ایدللمش بولندیغندن حجز

لازمه اجرا قلنقسنرین مبلغ مذکورک خودبخود تحصیلنه قرار ویرلسی مغایر قانون اولدیغندن بحثله اعلامک قضی استدعاسندن ومدعی علیهمانک نتیجه جوابی دخی اعتراضات واقعه واهی اولدیغی بیانیله ردی واعلام مذکورک تصدیقی طلبندن عبارتدر

ایجابی مذاکره اولندقدده اعلام مذکور مندرجاتندن منقهم اولدیغی اوزره انشای محاکمه ده وکیل مسخر مواجهه سنده اصولی دأرهم سنده اثبات مدعا ایتدیرلک واثباتدن اظهار عجز ایدلیکی تقدیرده یمینه تعلیقاً حکم اولنمسی لازم کلورکن بویوله اجرای معامله اولنمسی ودعوی عرضخالنده بیک ایکوز کسور غروش ادا ایدلیکی حالده محکمه جه بلا عرضحال مبلغ مذکوردن ماعدا بیک غروش ده تحت حکمه النسی مخالف قانون اولدیغنه بناء اصول محاکمه حقوقه قانونک ایکوز قرق برنجی ماده سی موجبیه اعلام مذکورک نقضنه وقانون مزبورک ایکوز قرق دردنجی ماده سی حکمنه توفیقاً کیفیتک بالرؤیه اعلامه ربطی ضمنتده محکمه مذکوریه اعاده سنه وز یرده مفرداتی مرقم درتیوز التمش اوچ غروش مصارف تمیزیه نک ایلروده حقسنر چیه جق طرفه رجوع ایتک

موضوع مذکورک فکی طلبه دأر درسعات
 بدایت محکمه سی برنجی حقوق دأره سنه اعطا
 ایلدیکی بر قطعه عرضحال اوزرینه برای محاکمه
 تنظیم و مرقومان شمشیریان و مارقار اغالر ایله
 قصبارجیان حاجی قره بئک اقامتگاهی اولق اوزره
 ارأه و تعیین قلنان مذکور بودروم خانه ارسال
 و تسیر ایدیلان ورقة دعوتیه ظهرینه مذکور
 خانه او اسمارده تیاردن کمنه بولنامش
 اولدینی مذکور خان او طه باشیلنی طرفندن
 و یریلان شرحله بیلدیرلمکدن ناشی مرقومونک
 غائب ایدوکی تحقق ایلش و مدعی ایسه غزتهلر
 ایله اعلانی صورتی ایله دعوت ایدلسی طلبنده
 بولنه رق موافق قانون کورینان شو طلبه بناء
 مذکور دعوی ایلولک اوتوزنجی چهارشنبه
 کونی رؤیت اولنه جغندن طرفینک یوم مذکورده
 محکمه یه کللرینه دأر تنظیم قلنان ورقة دعوتیه
 علی الاصول محکمه دیوانخانه سنه تعلیق و برصورتی
 دخی اوراق حوادثله اعلان ایتدیرلمش اولدینی
 حالده یوم محاکمه ده یالکز مدعی مرقوم کلهرک
 مدعی علیهمدن هیچ بریسی ورود ایتماش و مدعی
 ایسه دعوانک غیاباً فصل ورؤیتی طلبنده
 بولنه رق بو ایسه اصول محاکمه حقوقیه قانوننک

۲۲ جمادی الاخر سنه ۳۱۶

۲۶ تشرین اول سنه ۳۱۴

صراف مصرلی اوغلی اورام اغانک
 درسعات بدایت محکمه سی ایکنجی حقوق
 دأره سی اعلامیه صوجی اصنافندن قره بت اغا
 ذمتده الاجنی اولان معلوم المقدار مبالغک
 تأمین تسویه سی ایچون مدیون مرقومک عهده
 تصرفده اولوب مرهون و فروختی محکوم بولنان
 چارشوی کیر خارجنده نور عثمانیه قبوسی
 جهتده واقع اون طقوز نومرولرله مرقم تخمیناً
 و تربیعاً اون الی آرشوندن عبارت مقدما دکان
 والیوم مغلوب ایکی قطعه عرصه نک نصف
 حصه لرینک تاریخ اعلاندن اعتباراً اون بش کون
 صکره بالمزایده فروخته تشبث اولنه جنی
 درسعات اعلامات نظامیه اجرا دأره سندن
 اعلان اولنور .

۱۹ تشرین اول سنه ۳۱۴

احمد شفیق افندینک نوری پهلوان ذمتده
 با اعلام الاجنی بولنان مبالغک تأمین استیفاسی
 ضمنتده تحت حجزه النان اسکدارده بلغورلی
 قریه سنده لباده جاده سنده شکر قیا طریقه درت
 نومرولی و درت او طه و برطوان اراسی و ایکی خلا و بر
 مطبخ و بر قیو و بر آخور و تخمیناً ایکی دوئم
 ترلادن متصرف اولدینی نصف حصه سی تاریخ
 اعلاندن اعتباراً اون بش کون صکره بالمزایده
 فروخته مبادرت اولنه جنی اسکدار بدایت محکمه سی
 اجرا دأره سندن اعلان اولنور .

۲۱ تشرین اول سنه ۳۱۴

احمد چاوشك قدرالعزيز افندی دمتده
برقطعه اعلام شرعی موجبیه الاجنهی اولان
مبالغ معلومه نك تأمین استیفاسی ضمنده
مومی الهك عهدۀ تصرفده اولوب محجوز
ودرساعت برنجی حقوق دائره سندن ویریلان
اعلامه فروختی محکوم بولنان شهزاده باشنده
دولاب زقاغنده واقع عتیق ایکی نومرولی برقطعه
عرصه نك یکریمی درت سهم اعتباریله اون القی
سهم حصۀ شایعه نك اشبو تاریخ اعلاندن
اعتباراً اون بش کون صکره فروخته تشبث
اولنه جفندن طالب اولنلرک پی سورمک وبوندن
دها زیاده معلومات المی استیانلرک مدت مذکور
ختامندن صکره اعلامات شرعیه اجرا دائره سنه
مراجعت ایملری دائره مذکوره دن اعلان
اولنور .

۲۱ تشرین اول سنه ۳۱۴

متوفی حاجی عزت افندی ورثه نك حوا
خانم دمتده قسمت عسکریه محکمه سندن ویریلان
برقطعه مقتضا اعلامی موجبیه الاجقاری اولان
مبالغ معلومه نك تأمین استیفاسی ضمنده مرهون
بولنان استانبولده ایازمه قپوسی قربنده
وجاده بنده یاوز ارسنان محله سنده واقع التیوز
التمش طقوز نومرو ایله مرقم مقدما یمنجی
والیوم برباب وقف بقال دکانی دروننده موجود
کدک تعیر اولنور بر عدد قرمزی وسیاه ایاق
یمنجی کدکی بوندن اقدام مزایده یه قونیلهرق
لیرای عثمانی یوز غروشدن یدی بیک غروش
بدل ایله طالبی اوزرنده تقرر ایتیش اولدیقندن
یوزده بش ضمیمه بوندن دها زیاده یه طالب
اولنلرک اشبو تاریخ اعلاندن اعتباراً اوتوز بر
کون ظرفده اعلامات شرعیه اجرا دائره سنه
مراجعت ایملری دائره مذکوره دن اعلان
اولنور .

۲۲ تشرین اول ۳۱۴

مطبعه عامره